



Florentius ex illustri familia comitum ab Horn natus, et in omni genere uirtutum educatus est. Is cum artium & linguarum fundamenta foeliciter iecisset, animum ad bellorum studia adiecit, atque Cæsarium & regum castra aliquandiu secutus fuit. In ijs se tāta animi & corporis fortitudine gessit, ut in supremum militum ordinem receptus, atq; aurei uelleris eques cōstitutus fuerit. Ad hanc rei bellicæ peritiā etiam rerum ciuiliū cognitionē & raram prudentiam coniunxerat. Itaq; factum ut à Philippo Hispaniarum rege inferioris Germaniæ Administrator electus fuerit. Eam prouinciā Florentius magno animo regendam suscepit, atq; ea animi moderatione gubernauit, ut & regi suo & omnibus subd. tis esset gratissimus. Cum etiam 1562 Franckoforti esset, atq; sua præsentia Maximiliani Cæsaris inaugurationē decoraret, suis uirtutibus omnibus innotuit. In ea uiuendi ratione Florentius etiamnum pergit, & apud Belgas in magna authoritate existit. Anon.